

广东近代史料

紅巾軍起義資料輯

一、地 誌 錄

广东省中山图书馆編印

1959年1月

广东近代史料

紅巾軍起義資料輯

一. 地 施 錄

說

明

- 一、紅巾軍（洪兵）起义資料輯，共分三輯：1. 地誌彙。2. 專集。3. 文學集。地誌彙系輯錄我館入藏廣東地誌中所記載紅巾軍起义史料，廣西方面地誌待以後補輯。專集系收趙洪英手稿：岡城枕戈記，粵東剿匪記畧等專書。文學集系收錄詩文鈔內有關紅巾軍起义史料者，如羊城西關紀功彙等，現地誌彙先印面版，專集及文學集待資料收集較為完備後始印行。
- 二、地誌彙內的編排，以朱士嘉編方志綜彙的次序編排，詳見目錄。
- 三、有些縣未修近志，或我館未入藏者從缺，待以後增補。
- 四、紅巾軍起义資料，我們所掌握資料不夠全面，希讀者提供資料線索，使此資料集更為充實。
- 五、因我們水平有限，疏誤之處，在所難免，請讀者指正，以便改進。

目 录

广州市志	戴肇辰修 史 澄纂 光绪4年重修	1—3
南海县志	(清) 鄭夢玉修 梁紹猷纂 同治11年 刻本	3—9
续修南海县志	(清) 鄭 康著修 杜 玷等纂 宣统二年刻本	9—15
佛山忠义乡志	民国12年版	15—16
九江儒林乡志	(清) 冯拭来修 光绪0年癸未刻 本	16—17
番禺县志	(清) 李福森修 史 澄纂 同治10 年刻本	17—23
番禺县续志	(民) 梁觀分修 丁仁长等纂 民国 20年刻本	23—25
香山县志续编	屠式金修 王天炳纂 民国9年 修成	25—26
顺德县续志	周之贞等修 周朝槐等纂 民国17 年修成	26—31
龍山乡志	(清) 趙 棠纂 民国9年修	31—38
古旗乡志	韓 鋒纂 民国26年南华社铅印	38
新会县续志	(清) 彭君毅修 鍾应元等纂 同治 9年修	38—45
新会乡土志	(清) 譚 編 光绪末粵东编译公 司铅印	45—50
东莞县志	(清) 彭人傑等修 黃時希纂 民国15 年修	50—63
奈山乡志	袁应塗撰 刘文亮等補編 民国24年 铅印	63—64
新宁县志(今台山県)	(清) 何福海等修 林國祚 等纂 光绪17年修成 民国10年据光 绪19年刻本铅印	64—68

新宁乡土历史	(清) 雷澤著編 宣統元年初版	68—69
清遠縣志	吳鳳聲等修 朱汝珍等纂 民24年 重修	69—77
清遠縣志	(清) 李文烜主修 朱汝珍等纂修 光緒6年刻本	77—80
龍門縣志	拓念慈主修 郭灰村等纂 民國25 年鉛印	80—83
花縣志	孔昭度修 刊 璋纂 民國15年重 修鉛印本	83—87
增城縣志	(民) 王恩章修 魏際熙等纂 民10 年(辛巳)刻本	87—91
韶州府志	(清) 沐述訓等修 單興詩纂 同治 15年修成 光緒2年刻本	93—108
英德縣志	鄧士芳修 凌學書纂 民國20年 鉛印本	108—118
仁化縣志	何炯章修 譚鳳儀等纂 民國23年 鉛印本	118—119
樂昌縣志	(清) 徐寶符等修 李 樞等纂 同 治10年修成刻本	119—125
惠州府志	(清) 劉維年修 鄧瑞斌等纂 光緒 7年刻本	125—133
河源縣志	(清) 彭君毅修 賴以平等纂 同治 13年刻本	134—137
海丰縣志	(清) 蔡逢恩修 林允斐等纂 民國 20年鉛印本	137—141
高要縣志	屈豆園等纂 民25年修成27年鉛印	143—151
四會縣志	(清) 陳志詩等修 吳大猷等纂 光 緒22年修成刻本	151—169
陽春縣志	藍榮熙修 吳英華纂 民國38年鉛 印本	169—175

陽江縣志	張以誠修 林鍾英等纂 民14年刻本	175—177
高明縣志	(清) 鄧兆麟等纂 光緒20年修成刻本	177—178
開平縣志	余榮謀等修 民22年鉛印	178—181
德慶州志	(清) 楊天駿修 朱一新等纂 光緒 25年刻本	181—187
恩平縣志補遺	聶榮一輯 民18年鉛印本	187—188
廣寧鄉土志	龔炳章合編 光緒年間刻本	188—189
懷集縣志	(清) 周贊元等纂修 民5年鉛印本	190—201
高州府志	(清) 楊 壽修 陳蘭彬等纂 光緒 16年刻本	203—216
茂名縣志	(清) 鄭榮崇修 楊 頌纂 光緒14 年刻本	217—234
信宜縣志	(清) 梁安甸纂 光緒15年重修刻本	234—249
電白縣志	(清) 孫 鑄修 邵祥齡纂 光緒18 年刻本	249—252
吳川縣志	(清) 毛昌壽修 陳蘭彬纂 光緒18 年刻本	252
化州志	(清) 彭貽猷等纂修 光緒16年刻本	252—257
欽縣志	陳公佩修 陳德周纂 民35年石印本	259—263
靈山縣志	劉運熙纂修 民國5年鉛印	263—270
石城縣志	(今廉江縣) (清) 蔣廷桂修 陳蘭彬纂 光緒18年刻本	270—272
澄邁縣志	(清) 龍朝望等修 陳野龍等纂 光緒34年刻本	273
儋縣志	彭元謙等修 王國惠纂 民國25年鉛 印本	275
定安縣志	(清) 吳應廉等修 王映斗等纂 光緒5年刻本	275—275
始興縣志	陳廣虞等修 陳及時志編輯 民國 15年石印本	277—278

- 連縣志 韓建勳等修 伍岳嵩等纂 民國38年
油印本 278—281
- 連山縣志 凌錫華修 彭徽朝等增纂 民國17
年鉛印本 281—282
- 陽山縣志 歐汝鈞等修 朱汝珍纂 民國27年
鉛印本 282—286
- 嘉應州志 (清) 文 晟纂修 咸丰3年刻本 287—302
- 興寧縣志 (清) 張鶴齡修 同治18年依咸丰6年
刻本鉛印 302—304
- 羅定志 周學仕等修 馬呈圖纂 民國24年鉛印
本 305—311
- 潮州志 饒宗頤等纂 民國38年鉛印本 313—324
- 海陽縣志 盧蔚猷修 吳通結纂 光緒26年刻
本 324—325
- 潮陽縣志 (清) 周恒重修 張其翹纂 光緒10
年刻本 325—327
- 揭陽縣續志 (清) 王 崧等修 李星輝纂 民
26年据光緒10年刻本鉛印 327—328
- 豐順縣志 劉禹禎主訂 李 唐編纂 民國32年
鉛印本 328—329
- 大埔縣志 (清) 張鴻恩修 洪光輝等纂
光緒2年重刻 329—331
- 普寧縣志稿 (清) 盧師濤等纂修 光緒15年修
成 刻本 331—332

廣州府志 戴肇辰修 史 澄纂 光緒四年重修

(嘉慶元年)九月·陳爛屐四竄·匿羅浮山·尋又竄匿增城流杯崗·被官兵搜獲伏誅·(增城志)

惠州會匪亂·延及廣州·香山四大兩都隆都古鎮所在皆有·而黃梁都尤甚·巡撫瑚圖禮欲夷之·知縣許乃來設法擒其魁·黨遂散·是役也·新會兵乘機肆掠·指民為盜·守備曹某者虐尤甚·許乃來鞫得寔盡釋之·(香山志)

是年博羅羊矢坑賊陳爛屐四謀亂·其黨甚眾·蔓延龍門河源長甯等縣·龍門知縣師保元諭各鄉紳士獲盜即斬·無庸解送·命長子先甲·家人范二·從千總某往鰲溪大陂等處堵禦·時賊黨潘亞穩鮎品黃塞鼻老將六等千餘潛踞蓼溪之石塘·受爛屐四密約中秋夜犯縣城·監生李珍先期探聞之·即與族人步坑會六約壯丁輪守各隘·詣縣請兵剿捕·八月十二日兵尚未至·珍等見事急親率壯丁赴石塘焚剿·俘斬過半·謀主黃某亦被擒·餘黨遂散·(龍門志)

陳爛屐四之亂·路溪一帶皆戒嚴·紳士沈日躋等督率鄉民擒賊黨羅殄韓福·旋會同營弁曾明貴赴鄧屋坑破賊巢穴·(龍門志)

(載於卷八一·前事畧七· 9—10頁)

是年(道光十二年)香山三合會起·官軍縛擒其魁·眾始定·(采訪冊)

香山四大都三合會萌孽·煽誘左步頭村二百三十餘人·附貢阮森榮議禁之·群匪反喧呶·森榮乃密謀諸父老聯保甲·西江尾龍穴頭村匪附從行劫·森榮率眾擒其魁十二人·白官通詳大府·檄行嚴緝·斂戢十餘年·(采訪冊)

(載於卷八一·前事畧七· 30頁)

(道光)二十三年夏五月·香山三合會匪再起·(采訪冊)

三合會再起·始事者石門甘秀踞老巢嘯聚·至於劫掠拒捕者·則隆都高明遠周配瑤也·初起時·撰妖書·造隱語·傳教者曰

亞媽·引見者曰舅父·又曰先生·曰升上主·文字者曰白紙扇·奔走者曰草鞋·各頭目曰紅棍·拜會者曰登壇演戲·入會曰出世·每拜會·亞媽裹紅幘·服白衣·設五色旗·上書彪壽合和同字·分布五方·從某方來者·隸某旗·設三重門·每門二人持刀作八字形·拜會者匍匐入·自稱曰仔·赤身披髮·跪伏拜斗·念三十六咒·割指血盟·受隱語·三角符·符內寫參天宏化四字·髮辮繫兩線辮結一團·頭目曰天牌·圍正額·司事曰地牌·圍腦後·先入會者曰人牌·圍左耳·後入會者曰人和牌·圍右耳·俱身披短襖·綵帶·藍襪·銳屐·露刃·彼此相遇問姓·各以洪對·或稱三八二十一·便知是會中人·不肯入教者曰皇仔·冒其教者曰野仔·曰瘋仔·每入會·科洋銀一·銅錢三百六十·曰祝壽錢·不識其隱語暗號者即被掠·(采訪冊)

甘秀之党崖口譚仁階·半沙許藹佐·南朗程建·新會梁雄·譚紅等·於山門葫蘆地上柵太保廟及官塘北山澳門潭仔灣仔等處·先後拜會·劫黃泥塘大逕山·秋七月·汪洪戴香來自新會·主于高明遠家·明遠故綠林魁首·周配瑤尤險狠·頗通文墨·傳之翼設偽文武都督將軍元帥軍師名號·在卓旗山舉事·蔓延于三角塘中心村庫涌鰲溪朗九曲林一帶·附城之愚頑者靡然從之·泥整沙岡尤甚·兵役亦多入其會·(采訪冊)

二十四年夏·西江水潦大至·田多淹沒·米價騰貴·(采訪冊)
冬十一月雷(龍門志)

十二月會匪流劫香山西南暨攬都西海十八沙等處·(采訪冊)

會匪攻劫濠頭張家邊·鄉人格殺之·城市紛紛戒嚴·典史王炳元·吏目汪政語·知縣陸孫鼎·以為歲暮常事·獲會匪黃孔懷等悉寬責·群匪鄭松等連劫城南徐李劉等家·右營捕獲之·汪政僅以荷校徇·輿論沸騰·始繫之獄·署副將洪名香督兵捕之·東南一帶稍斂戢·而余太平劉斗之徒又起·蔓延攬都西海十八沙·賊船如織·紳士控于大府·總督耆英巡撫程喬采檄知縣丁濤樺知府倪澧先後至·十二月二十日夜·賊擾東門之外·城中譁達旦·倪澧等猶不盡以寔告·督撫嚴責·陸孫鼎始懼·小

攬司巡檢來城，返途次亦被擄，駐防小攬千總潘慶救出之，捕賊首歐陽從寬等八十餘人。（采訪冊）

（載於卷八一，前事畧七， 41—43頁）

南海縣志

（清）鄭夢玉修 梁紹猷纂

清同治11年刻本

先是粵省無賴倡言神人降生，天下大亂，謬作圖讖，煽惑鄉愚，結黨拜會，名曰三合。初則寅夜劫掠，繼則謀為不軌，使其徒分布各州縣，定期舉事。佛山博徒陳開者，入會最久，眾稱為首，頭裹紅巾，豎旗倡亂，則咸豐甲寅六月十一日也。燒官署，踞佛山為巢穴，偽號大甯，而省北何子海朱子儀豆皮春李文茂等亦聚眾數萬應之，以江村為老巢，以佛嶺市為大營，蕭岡龍塘觀為輔翼，迤西自石井石門金山官窑直接佛山，東以燕塘為老巢，三寶墟為後應，環逼省垣，旬日之間，連陷數十州縣，西至梧州，北至韶州，東至惠潮，南至高廉，賊壘相望，道路梗塞，賊首陳洗隆屯省河南，水賊關鉅何博奮等海艘數千，環逼省河，會城勢孤援絕，瀕危者屢矣。加以北路崔大同洪大順屈超群熊應飛等先後戰歿，人心益洶懼。時也爵帥葉漢陽名琛督粵，聞變不驚，疾如風雨，動寂終始，全局了然，戎敗利鈍，取決俄頃，官軍外召募壯勇，自東莞香山新會以暨潮勇林勇等十餘隊，各數千人，旬月畢集，砲械餉糈無偶缺者，雖佐籌兵則沈廉訪棟樑，佐籌餉則伍方伯崇曜，並著勞勳邀特薦，而實葉漢陽智勇深沉，鉅細兼綜，斬亂絲，碎連環，明鏡不疲，能斷大事，措置裕如，故暇饋鎮海樓者幾半年，而會城暨廣州各縣底定，又半年而全粵乂安，披艱埽穢，奔魑走魅，臺榭偃伯亦良帥材也，獨師武臣力乎。（據省垣紀事剿寇紀畧檔冊采訪冊參脩）

大瀝四堡九十六鄉與佛山毗連團練防堵二百餘戰均挫賊鋒國殤貧富百折不回且砲械糈糧悉自辦幾半年祇章逢數輩與服田力穡者主之雖自固吾圉而遏其衝則會城寔仗以保全不然越陌度阡拾翠洲亦何難飛渡其功直竊比乎崔清獻顧甘同馮異峻擢至穹官者鮮其恬退亦何可及（據采訪冊脩）

九十六鄉削平內難厥後官軍攻佛山平官窯無役不從爭先恐後敵王所懷大義凜然而角巾東第洵無愧昔賢矣（全上）

佛山一名福山堪輿家言勝地永無劫煞之患亦曰忠義鄉屢殲強寇志乘詳之迨甲寅陳開倡亂於六月在蒙清岡堅旗其黨則封滿和尚能霍輝朱發等燒城門頭及大基尾官卡凶焰極熾城鄉俱應之據佛二百餘日誅求甚迫冬至日因打單不遂四路放火燒民房以萬計逃出者斬鎗砲具舉三日三夜無絕聲死者不知凡幾僵屍盈路漢陽制府調兵勇乘勢進攻乃潰噫亦酷矣（據花南軒筆記尙垣紀事參脩）

六月廿四賊越蕭岡趨三元里至北郊擊退之廿五賊繞瑤台至青龍橋大破之廿六賊由瑤台三元里撲紗帽嶺飛鶯嶺竄入西村擊斃無算廿八廿九三十焚燒西村瑤台三元里七月初二牛欄岡鏖戰官兵有陣亡者旋擊退初四三元里之捷追賊至三家店初六義勇祠蕭岡三元里石榴橋之戰俱捷初八賊由瑤台撲三元里並殲之初十颶風大雨賊由三元里繞至飛鶯嶺擊退之十六賊分三路由義勇祠三家店瑤台出我軍亦分三路擊敗之十八賊一由牛欄岡趨分水基一由三家店趨松柏嶺迎擊之雨大至賊溺死無算廿五賊分七路進我兵佯退誘至飛鶯嶺悉斃之閏月初五賊由牛欄岡三元里瑤台分股至擊敗之初六賊傾巢出左自蕭岡右至瑤台數百里外之匪亦同至約十萬餘人我兵在三元里布圓陣四面迎敵擊敗之追至松柏嶺義勇祠棠下等處斬獲無算夜始收兵初八賊仍分路齊出義勇祠三家店王聖堂瑤台等處擊敗之越松柏嶺初九賊至三元里迎擊之逾時潰散追斃之並焚瑤台賊屋初十賊由三家店飛鶯嶺撲白雲庵雨忽大至我兵暫退至流花橋賊冒雨來襲擊之潰散適雨稍霽我兵追殺無算十一賊樹旗幟三元里樹林外襲擊竄散十二賊由飛鶯嶺撲白雲庵窺伺小北門一帶復分股於三元里展釘嶺兩處接仗我兵分擊之潰散遂盡斬三元里大木十三賊復至三元里旋遭我兵追斃之十五賊五萬人出欲撲北郊其餘全在沙涌棠下村庄潛伏我兵由三元里疾出至石榴橋迎擊復分兵截其後路並由分水基剿擊伏賊三路擒斬無算十九我兵搜北路賊匪陰雨回至三元里賊數千隨後衝出復上迎擊追過三家店殺賊不可勝紀廿二賊復來大戰於松柏嶺斬獲無算焚燒瑤台廿七進剿牛欄岡逼近賊巢賊匿不出

忽大雨賊分東西撲下襲擊之乃退八月初一賊由義勇祠蜂擁而來我兵在三元里迎擊敗之進攻棠下焚其賊巢初八攻破三家店沙溝礮台賊巢焚燬殆盡初十賊復犯北郊擊敗之十九進逼賊巢接據礮臺堡不出廿一進攻至義勇祠斃賊甚多廿三賊復來窺北郊我兵由三元里直進迎敵即竄回廿四進攻蕭岡賊巢焚燬各小鄉賊巢六所廿五賊復來窺北郊至雙塔我兵迎剿賊遁三十進攻至三家店棠下為義勇祠直逼賊巢燒燬西北小鄉賊巢七所九月初一三更時賊潛入三元里擊之遁去初五分兵由中路三家店後進攻蕭岡又由中路分攻牛欄岡由東路進攻龍塘觀由西路攻義勇祠均斬獲無算初六仍如昨分路進攻俱大獲勝仗初七合兵進攻牛欄岡賊巢立焚燬之斃賊甚多餘俱遁回礮臺市初八賊駐義勇祠潛撲松柏嶺截擊之遁初九賊仍至義勇祠我兵礮誘之至松柏嶺裏發賊狂奔去十二分兵進蕭岡龍塘觀兩賊巢獲礮六百餘座盡焚燬斬賊甚多十三我兵合力進攻義勇祠礮臺市賊盡分六路奮擊礮船由槎頭抄佛嶺市後先破義勇祠賊壘盡將礮臺礮堡火焚燒乘勝圍攻佛嶺市直搗賊巢斃賊極多偽軍務司微處偽總督都督府各賊大營二千餘座全行燒燬搜出偽印袍匾並名簿書信十餘箱大旗有偽元帥先鋒都督及洪順堂字樣共四十三面小旗及礮械無算火藥五十餘擔他物稱是佛嶺墟場村舍人物一空石井賊亦遠遁十八我兵出隊搜村至蕭岡有零賊見兵即遁廿三聞蕭岡復有賊嘯聚移兵松柏嶺剿捕廿四我兵攻破陳田鄉賊巢仍遣兵由三家店棠下直搗礮臺市有賊迎戰旋遁去廿五我兵攻破江晏鄉廿九賊復嘯聚佛嶺市分九路而來我兵由棠溪棠涌高岡黃沙岡沙涌礮下等處分路進擊追獲十餘里賊潰十月初五進攻橋頭市與賊遇於將軍廟賊寬平其溝壘二十餘里十三賊復至我兵迎擊於分水基追殺至桂花岡我剿獲數十回我兵分兩路進剿白雲山前後賊匪斃之十一月初間分路進剿石井賊匪於分水基迎拒擊敗之追奔至白鵝橋十三分路由烏石岡禾沙岡白鵝橋等處進攻石井斃賊甚眾餘竟越石井橋遁十四分兵連剿大塘下茅鶴邊等三鄉均破之擒斬甚眾十五復進攻石井賊踞舊苦戰逾時乃遁我兵過橋剿搜擒斬無算焚其大營並逢寮六百餘間十七仍分兵進剿石井官橋大岡脚鄉等處擒斬不計其數餘匪遁十九仍進剿賊洗斷石

橋我兵用木板囊沙分渡石井壩官橋壩大岡脚鄉均破追至白河洲邊
殲溺無數燒賊巢一千餘間二十仍剿搜石井賊潛伏將大木深林全行
裹倒殲斃無算廿二賊復至義勇祠我兵搜捕追至石榴橋賊逃匿廿五
賊仍聚昇平社學分踞勒馬岡我兵亦分路進剿追殺至古料亭岡華村
餘匪逃散自六月至十一月共苦戰六十餘次而北路始肅清（據省垣
紀事剿寇紀畧奏疏檔冊采訪冊參脩）

七月十六三寶壩燕塘壩賊匪直撲東關裏擊敗之廿五賊至東門外五
里擊退之廿六三寶壩燕塘壩賊盡出至牛王廟決戰盡敗之閏月初六
賊自燕塘壩撲東關並竹絲岡又分撲小北門俱敗之初八燕塘壩賊知
北路酣戰傾巢撲東關盡敗之又另股撲小北較場截盡始退初九賊復
至東關迎盡之小北較場兵亦至截殺賊狂奔去初十賊復犯東關盡退
之十三十四我兵於鯉魚頭岡築土台焚斃箕村十五盡焚斃箕村賊巢
復攻燕塘壩賊營三寶壩賊越嶺逃去十七搜捕燕塘逸東一帶將未燼
房屋概行燒去至銀定塘十八往斃箕村搜賊餘党十月十八我兵由洗
村岑村長湓村等處進攻三寶圩破之追奔至龍眼洞殲賊無算並斬偽
元帥盧八萬倉燒賊巢數百間餘党潰我兵先分駐將軍橋進剿有北路
賊匪欲往援三寶圩於擔杆山要截盡殲之自七月至十月轉戰十餘次
而東路亦肅清

七月廿九石門大破賊三十賊奔竄泥城拖船盡斃之八月廿八有賊復
由泥城西竄拖船盡斃之九月廿四我兵水陸分路進攻燒燬石門沿河
賊巢水勇由泥城橫沙直上沿河盡斃勇從奔岡頭翻山登岸分路要
截廿五我兵水陸進剿石門至勒馬岡賊敗走廿六我兵水陸進剿至馬
務橋賊敗走廿七仍進攻馬務橋焚其鄉同口水陸兵由槎頭古料奔岡
三路齊進斬獲無算十月初八我水陸兵在槎頭堵截石門賊匪殲斃溺
死不計其數十七我水陸兵進攻石門賊匪沉獲賊艘夜復駛至橫沙仍
盡敗之廿五水陸兵復進攻石門賊匪至古料河面迎盡沉獲賊艘即潰
散陸兵由槎頭登岸盡殲逃者廿九聞石門賊匪欲駛至省河且先築土
台即遣兵進剿追殺至南江口老鴉岡盡沉其艘殄溺無算陸兵登岸奪
土台攻入華村賊盡潰十一月初六盡石門賊艘於沉香沙焚其艘餘即
沉之初七由松洲岡進剿賊艘復由沉香沙直下分路盡之沉獲其艘賊

幾殲盡十圍我兵由石門進剿至老鴉園直沉賊艘并匪無算廿一賊艘
六十餘由金溪過石門至橫沙鄉掠我兵破之沉溺不可勝計廿二賊艘
仍聚石門我兵搜捕至岡華圩盡盡之賊無遺去廿五我水軍由橫沙
黃竹岐分路進剿石門盡沉賊艘無數餘遠走廿七我水軍仍剿捕至金
溪殲餘匪盡焚其艘自七月至十一月水陸攻剿至十七八次而西路又
肅清

七月廿七賊嘯聚河南我兵圍捕拿獲賊目即潰八月初二賊艘至獵德
盡沉殆半十月初八賊聚鸞岡山背我兵往搜捕賊艘十三我兵砲轟三
山賊艘復分兵由力滘夾盡十八大王滘兵砲夾大賊艘至奪其米飽盡
我兵盡盡之反敗為勝賊不敢復至十一月初十新造賊艘盡至我兵迎
盡官兵有陣亡者十九我兵搜捕至長洲遇新造賊艘官兵有陣亡
者賊駛至二沙尾盡退之十二月初三賊匪至小港盡沉賊艘半餘我
兵奮力迎剿適逢前陳虎隆督戰砲斃之賊潰初四我兵分路進剿小港
橋五村等處賊先踞上馬岡均轉轉破之各村潛匿四起殲斃殆盡兩日
賊至獵德登岸繞至下渡村我陸兵駐赤岡塔外水軍駛至河中兩路迎
盡斃無算賊四竄初五我兵分駐馬滘利滘兩鄉復分兵由小港進攻迎
殺至五村南石橋七星岡等處頭村賊復至夾盡殲之初六我水軍賊匪
由赤岡撲下我兵迎盡追殺至舊頭市村殲斃無算北岸賊匪由石牌蜂
擁而來我兵迎盡敗之追殺至沈村復有賊艘前後由獵德水口駛至兩
岸我兵盡盡摧燒之初七賊艘二百餘由長洲駛至駐赤岡塔山上盡盡
斃之復聞賊聚大塘村分兵搜捕追殺至雞登岡初八我兵分路進剿鸞
岡石頭等村盡敗走同日有賊艘百餘由黃埔駛至獵德水口盡盡碎其
半退泊長洲旋復至分泊南北兩岸我兵迎盡復碎其大半退至滘洲登
南岸我兵追至赤沙滘殺溺殆盡登北岸者欲由獵德抄出我兵追殺至
河邊亦殆盡十一我兵分路進剿由赤岡轉戰直攻新村破之焚賊巢六
百餘間復由五村疾戰直抵大塘村亦破之焚賊巢一千餘間十二復進
攻上涌村殲殺甚眾燬賊巢五百餘間十四仍進剿賊已遠遁自七月至
十二月水陸轉戰十八九次而河南南北隔岸盡肅清（俱全上）

會城砲台自保釐保極拱極者定以迄大王滘海珠獵德暨鯉魚上水芋
場各土台星羅棋布賊屢環攻無一隅者且裹發巨砲迭摧賊鋒斯若建

領彼同破竹雖若有天幸亦足徵軍令之如山也（據采訪冊脩）

辛亥冬設局大佛寺勸捐撥濟粵西軍餉甲寅亂作分設西局長壽寺而老新城亦各設分局以粵東軍餉尤亟且浩繁耳兩月西局捐至二百萬餘數年後又三百萬餘為各局冠以後層見叠出徵村切里伊於胡底說者乃謂物力本饒也其然豈其然乎（據檔冊采訪冊參脩）

道光己酉漢陽制府于役英清有告以刑亂國用重典者愀然不樂迨咸豐甲寅積骸成莽殆所謂一將功成萬骨枯者馬頭創子手翦滅日至數百無隙地又纍纍械至大有廢倉前就戮血肉狼藉屍氣聞數里外東郊叢葬處至不能容噫根萌燼燃災沴之來唯人所召後復似聞有相携持以自鬻於蕃舶者輒見彈章老死不相往來遼古之風奚可復觀獨人滿使然耶（據采訪冊脩）

佛山賊營一所屯數百人或百數十人不等偶司鑼者五鼓起視之皆豕也復覘他所亦然駭極密告同事曰是殆將為戮矣擬偕亡竟不果卒駢首就戮噫獨佛山耶吾邑暨各郡賊民之興如恆河沙數乃不一二年間盡剗同羊豕孽海茫茫誰挽狂瀾於既倒耶

某總鎮新會人初守西關汎群盜屏跡瓜代者至大府仍諭留巡邏咸豐壬子歲暮有清遠連誅劇盜楊某等僦居柳波冲謂兩子俱悼亡亟詣會城為續娶諏吉除夕復於隔河僦巨宅泊酒饌款親串至者絡繹實擬緣間於元旦深夜大肆焚掠刼奪偵知之先汎其隔河所維往來數小船突入疾戰擒楊某並其男婦鬥者十數人餘匪遁西關人士製錦屏紀其事以贈不數年擢任至專闔石門轉戰連檣均倚重焉

又某總鎮番禺人初守草場汎賊大戰北門有欲過青龍橋由第一津入西關者據橋力戰列巨砲橋上裹斃四十餘人乃不敢犯爵帥喜擢守西關汎捐募健兒六百伍方伯崇曜復捐募六百由第一津西山廟以迄寶華新街觀音橋芙蓉坊將軍廟新田地等一帶晝夜巡邏危帽散衣議倡亂者乃戢不然殆矣西關隘會城亦未可知復有瘍醫李華胄久入會至是乃倡言通賊授以暗號即城隅無礙且為人寄頓財賄衣物縛而瘞之眾心乃稍定

某觀察香山入其父以名孝廉令浙中浙亂浙撫諭還召募觀察時尚應童子試喜談兵代募得僧騰客數千謁葉漢陽求諭代往浙而粵亂作漢

陽留與所募協剿衝鋒陷陣身先士卒無役不從而大小北門外打死仗者累月戰功尤偉漢陽喜甚嘗拊其背以慰勞之粵人以與衛軍門佐邦齊稱也甲寅之亂戰功懋著而賊目間有似吞舟之魚者李文茂優人也會城罕京戲所謂本地班者院本以壓戰多者為最犯上作亂恬不為怪文茂素驍勇擅車刺日習焉乃率其黨以倡及敗竟無確耗豈果學雪竇禪師耶乃瀦其館曰梨園者嚴禁本地班不六七年旋復舊草弊之難如此

閔鉅本散勇膂力善搏戰倡亂九江堡勢張甚敗後數年詣惠州降仍充募勇車賊肇慶廣利墟戰死亦螳臂之難拒較鴻毛而轉輕耳

陳松年新會劇盜以矯捷稱後竄番禺新造墟敗遁七洲洋詣波羅江廟謁昭明龍王猝與官軍遇搏戰擒之繫南海獄有腐肉者松年破械奪刀登屋遁縣役不敢近官軍至叢矛刺之乃殞（俱全上）

（載於南海縣志：卷二六、雜錄下、13—22頁）

續修南海縣志（清）鄭 葉等修 桂 站等纂 宣統二年刻本

（咸豐四年）六月會匪起佛山先是佛山鷹嘴沙等處八夜紛紛拜會五月以後乘雙酒肆漸多奇服異言見者驚駭而會城相隔數里竟無一矢加遺釀成賊勢六月十一日匪首陳開踞全鎮為巢穴揭竿倡亂遠近應時蠢動踞村場斂財物設偽號誘脅鄉愚入會徒黨動以千計剛至水陸盤踞聲教梗塞幾及一年時爵帥葉名琛督粵日登五層樓督戰因親其樓為籌邊樓

（載於卷二、輿地畧一、60頁）

列傳

馮汝棠 字時蒸號愛之九江堡人少精舉業而屢困童試道光十一年登順天鄉榜公車不第遂絕意進取主鄉局咸豐四年紅巾亂以團練平賊功獎叙教諭儘先選用並加內閣中書銜生平不妄交與朱徵君次琦相友善徵君稱其杜門卻掃緘默養真家擁素封而自甘淡泊觀此其為人梗概可知矣卒年八十八子錫綸進士廣西知府孫肇鼎福建縣丞曾孫敬禹郡優附生（據采訪冊脩）

(載於卷十五、「節錄原傳」)

梁紹訓 字墨畦瀾石鄉人道光十二年壬辰恩科舉人大挑選曲江教諭未幾紅巾賊犯韶城圍攻經月以有備引去旋舉大股來犯勢益悍沿城大掠火光燭霄喊聲聞數十里調集諸勇紛然從寇人心洶洶城瀕於危時有千總張開平任俠負膽氣紹訓乃詣開平曉以大義開平感激涕零出奇兵襲賊圍始解事平叙功稱最加光祿寺署正銜

(載於卷十五、「節錄原傳」)

馮椿 字軒初號誦芬江浦司梅莊鄉人道光壬辰順天鄉試挑取謄錄歷充內廷三館校錄議叙知縣歷任福建順昌將樂等縣知縣直隸州知州咸豐三年以母憂歸後值紅巾亂起海疆多事繼以西師籌餉練兵大吏仰屋興嘆椿素為當道仰重檄委設局勸捐邑人踴躍輸將集捐至二十萬金是時設廠抽釐以供軍實商賈苦之椿為陳狀於大吏大吏疑為阻撓動以利害不少屈其後釐捐雖不廢而瑣碎苛擾之弊略得裁減椿有力焉

(載於卷十五、「節錄原傳」)

羅子森 字益國一字求樵綠潭堡紫洞鄉人道光二十六年舉於鄉紅匪肇事子森創鄉團集捐款勞怨不辞以大挑知縣分發浙江歷署東陽武義青田縣事

(載於卷十五、「節錄原傳」)

梁葆訓 原名寅號芷卿恩洲堡人道光二十六年丙午科舉人咸豐四年紅匪蠭起大吏委辦鄉團餉需奇絀葆訓與諸父老謀捐公產萬金濟軍食號召石井懷清同風恩洲四社丁壯千人悉力防堵為省垣屏蔽同治三年授陽江廳訓導大吏留辦省團列事蹟奏請獎敘賞加內閣中書銜

(載於卷十五、「節錄原傳」)

陳作猷 字伯襄疊嶺堡人道光二十九年己酉舉人咸豐四年會匪起與鄉紳何子權龐榮孔廣心等舉辦團防同率鄉勇禦賊幾及於難後卒協力痛剿捕獲解辦淨盡闔堡賴安大吏耳其名諭令募勇堵禦清遠一帶旋蒙奏獎以內閣中書銜儘先即用教諭隨選曲江縣教諭

(載於卷十五、「節錄原傳」)